

校正評註
王鳳洲
袁了凡
網鑑彙纂

上海
文瑞樓
印行

K204.3

2

資治明紀綱目序

編年之書奚啻數十百家而必以朱子通鑑綱目為準通鑑綱目蓋祖述春秋之義雖取裁於司馬氏之書而明天統正人紀昭監戒著幾微得春秋大居正之義雖司馬氏有不能窺其藩籬者其他蓋不必指數矣嘗謂讀書立言之士論世為難非如朱子具格致誠正之功明治亂興衰之故其於筆削鮮有不任予奪之私失褒貶之公者自綱目成而義指正大條理精密後儒有所依據踵而續之由宋迄元釐然方策至明代君臣事蹟編輯之難更倍於諸書蓋明史已成於百年之後而世變風漓記載失實若復遲待將何以繼續編而示來許爰亟命儒臣法朱子通鑑綱目義例增損編摩大書以提要分注以備言每一卷成呈覽朕於幾暇亦時御丹鉛為之參定雖於天人一貫之精微未之能盡而惟是謹嚴之義守而弗失簡正之旨志而必勉書即成羣臣舉唐太宗之事為言勉從其請而為之序云

乾隆十一年夏四月朔日御製并書

乾隆四年八月初七日内閣奉

上諭編年紀事之體昉自春秋宋司馬光彙前代諸史為資治通鑑年經月緯事實
詳明朱子因之成通鑑綱目書法謹嚴得聖人褒貶是非之義後人續修宋元綱
目上繼紫陽與正史紀傳相為表裏便於檢閱洵不可少之書也今武英殿刊刻
明史將次告竣應仿朱子義例編纂明紀綱目傳示來茲著開列滿漢大臣職名
候朕酌派總裁官董率其事其慎簡儒臣以任分修及開館編輯事宜大學士詳
議具奏特諭欽此

經筵

日講官起居注太保保和殿大學士兼史臣張廷玉等言

奉

勅編次

資治通鑑綱目三編告竣謹奉

表恭

進者竊惟屬辭比事教起於春秋繫月編年法沿於紀載世綿千祀史閱百家宋
溫國羅衆興以創鴻裁章程大備子朱子括羣言以標定論體例彌嚴洎乎成化
諸儒續有宋元通鑑惟勝國興衰之迹在史官紀述之司事雖具於編摩義未昭

明紀綱目

總目錄

第一卷

起戊申元順帝至正二十八年明太祖
洪武元年盡壬子明太祖洪武五年

凡五年

第二卷

起癸丑明太祖洪武六年盡
丙寅明太祖洪武十九年

凡十四年

第三卷

起丁卯明太祖洪武二十年盡
戊寅明太祖洪武三十一年

凡十二年

第四卷

起己卯明惠帝建文元年
盡己丑明成祖永樂七年

凡十一年

第五卷

起庚寅明成祖永樂八年
盡乙巳明仁宗洪熙元年

凡十六年

第六卷

起丙午明宣宗宣德元年
盡癸亥明英宗正統八年

凡十八年

第七卷

起甲子明英宗正統九年
盡丙子明景帝景泰七年

凡十三年

第八卷

起丁丑明英宗天順元年
盡庚寅明憲宗成化六年

凡十四年

第九卷

起辛卯明憲宗成化七年盡
丁未明憲宗成化二十三年

凡十七年

第十卷

起戊申明孝宗弘治元年盡
乙丑明孝宗弘治十八年

凡十八年

第十一卷

起丙寅明武宗正德元年盡
辛巳明武宗正德十六年

凡十六年

第十二卷

起壬午明世宗嘉靖元年盡
乙未明世宗嘉靖十四年

凡十四年

第十三卷

起丙申明世宗嘉靖十五年盡
壬子明世宗嘉靖三十一年

凡十七年



第十四卷

起癸丑明世宗嘉靖三十二年
盡壬申明穆宗隆慶六年

凡二十年

第十五卷

起癸酉明神宗萬曆元年
盡辛卯明神宗萬曆十九年

凡十九年

第十六卷

起壬辰明神宗萬曆二十年
盡壬子明神宗萬曆四十年

凡二十一年

第十七卷

起癸丑明神宗萬曆四十一年
盡庚申明光宗泰昌元年

凡八年

第十八卷

起辛酉明熹宗天啟元年
盡丁卯明熹宗天啟七年

凡七年

第十九卷

起戊辰明莊烈帝崇禎元年
盡丙子明莊烈帝崇禎九年

凡九年

第二十卷

起丁丑明莊烈帝崇禎十年
盡甲申明莊烈帝崇禎十七年五月

凡七年有奇

福唐桂三王本末附後

於筆削秉權衡而不爽功之鉅者恒難垂典則於無窮道之明也有待欽惟

皇帝陛下以

天宣之聰而遜敏有

日新之德而緝熙敷志經考典之功闡稽古右文之治

凝神乙夜縱覽千秋謂纂述相承莫精於綱目而典型具在獨闕於有明宜遵曩哲之遺規用勒前朝之成迹於是

親披汗簡

特秉鴻裁貫終始以立常經參異同而衡定案準平繩直提綱則義極謹嚴縷析條分舉目則事期精衷叢之正史汰臣僚飾美之詞證以羣編削野稗存疑之說翦裁枝葉綜括綱維褒誅定而褒鉞施法戒明而丹青炳揆以考亭之法則

聖合於賢登諸闕里之編則經尊於史昔者通史緝於梁后徒侈辭華晉書斷自唐宗無闕體要未有

乾心作範

睿式裁模昭懲惡勸善之方闡守經達權之教藻鏡開而天地朗奉以無私璇衡正而古今平歸其有極信聖人之述作極盛於茲蓋天下之文章莫大乎是臣等

叨陪綴緝預列參稽學史而未擅三長受經而漸窺五體稟

訓言以成統貫多愧專門承

指授以悟淵微竊欣盛遇伏願

天文光被

淵覽宏開布在黌宮登之冊府踵麟編而高步藻耀六經俯狐史而旁羅牢籠百世

乾坤不朽精華畢貫於羣心日月齊懸軌度永垂於奕世謹將

明紀資治通鑑綱目釐為二十卷繕寫清本裝成兩函謹奉

表恭

進以

聞

乾隆十一年四月二十七日

大

學

士

伯臣張廷玉

兵

部

右

侍

郎臣王會汾

日講官起居注翰林院侍講學士臣周長發

原品休致侍讀學士臣楊椿

內

閣

侍

讀臣蘇崇阿

國子監司業臣鶴年

翰林院編修臣柏謙

翰林院編修臣張映斗

翰林院編修臣朱荃

翰林院編修臣朱佩蓮

翰林院庶吉士臣章愷

內閣中書臣吳麟

資治明紀綱目卷一

起戊申元順帝至正二十八年明太祖洪武元年盡壬子明太祖洪武五年

凡五年

元順帝至正二十八年○明太祖高皇帝洪武元年○是歲閏七月元帝出奔

春正月。吳相國李善長等尊吳王朱元璋為皇帝。國號明。

元璋先世家沛徙句容再徙泗州父世珍始徙濠之鍾離母陳氏元璋始生室中數有光起比長姿貌雄傑志意廓然年十七父母相繼歿孤無所依及入皇覺寺為僧至正十二年從郭子興於濠州子興奇其狀貌留為親兵戰輒勝明年收里中兵得七百人子興署為鎮撫與徐達湯和等畧定遠下滁州得李善長與語大悅之留掌書記十五年子興卒劉福通立韓林兒於亳徽元璋為副元帥不受遂渡江拔牛渚下太平取集慶路以次畧定江左二十四年自立為吳王建百官遂降陳理執張士誠走方國珍盡有淮南浙東江西荆楚地二十七年命諸將北定中原善長帥百官勸進乃以是年春正月乙亥祀天於南郊即皇帝位建元洪武

追尊祖考為皇帝。

高祖考曰元皇帝廟號德祖曾祖考曰恒皇帝廟號懿祖祖考曰裕皇帝廟號熙祖考曰淳皇帝廟號仁祖妣皆皇后

立妃馬氏為皇后。世子標為皇太子。

后郭子興撫女也仁慈有智鑒好書史帝既定江南吳漢接境戰爭無虛日手錄甲士衣履佐軍嘗言治天下以不殺人為本帝善之既即

位欲官后族后謝曰爵祿私外家非法力辭而止乃建封后父馬公徐王修墓置廟標后長子也

以李善長為左丞相徐達為右丞相。

善長少習法家言有智計帝嘗從容問曰四方戰鬪何時定乎對曰漢高祖起布衣豁達大度知人善任五載成帝業今元綱既紊天下土崩瓦

解公濠產距沛不遠山川王氣公當受之法其所為天下不足定也帝稱善諸將來歸者善長察其材言之帝復為帝布款誠使皆得自安帝深倚之自將征討皆命居守轉調兵餉無乏嘗請立茶鹽法斟酌元制去其弊政用益饒而民不困帝稱吳王時拜右相國至是改官制尚左以為左丞相

征南將軍湯和克福建元平章陳友定死之。

友定守閩帝命和由明州海道取福州胡美由江西趨杉關而別遣使至延平招友定友定置酒會諸將殺使者憑

血酒中與眾酌飲之善已死守已聞杉關破急分軍為二以一軍守福而自帥一軍守延平和舟師抵福之五虎門壘附登城守將遁去參政尹克仁宣政使朵耳麻不屈死僉院柏帖木耳殺妻女縱火自焚死時胡美已克建甯和遂進攻延平友

定欲以持久困之請將請出戰不計數請不已友定疑其將殺一人軍士多出降者會軍器局災城中驟發震地明師知有變急攻之友定呼其屬與訣退入省堂仰藥死所部開門納明師昇友定出水東門未絕也天大雷雨友定復魁械送京師入見帝詰之友定屬聲曰國破家亡死耳尚何言遂併其子殺之延平既下興化泉州皆望風附獨漳州路達魯花赤迭里彌實自設時稱閩有三忠謂友定柏帖木耳迭里彌實也

元削擴廓帖木兒爵邑命充魯李思齊討之
元既奪擴廓帖木兒兵分謀諸將擴廓退軍澤州元帝知擴廓勢孤乃詔李思齊等東出關與額高合攻擴廓而令

關保以兵戍太原擴廓憤甚引軍據太原盡殺朝廷所置官吏於是元帝下詔削擴廓官爵令諸將四面討之

三月修女誠
帝謂翰林學士朱升等曰治天下以正家為先正家之道始於謹夫婦后妃雖母儀天下然不可俾與政

察之於未然其暴虐女誠及古賢后妃事可為法者使子孫知所持守

夏四月。新州進竹簞却之。
今四方無妄貢獻

征南將軍廖永忠取廣東
永忠自福州以書謝元行省左丞何真曉譬利害真即奉表迎降永忠至廣州降盧左丞禽海寇邵宗惠數其殘暴斬之廣人大悅馳諭九真曰南來崖濤耳三十餘城皆納

印請吏又遣陸仲亨署定清遠英德連州廣東悉平

征虜將軍徐達常遇春大破元兵於洛水北元梁王阿魯溫以河南降。
徐達下山東會遇春於濟甯引舟師

沂河趨汴梁守將李克彝走左君弼竹貞等降達自虎牢關入元守將脫因帖木兒以兵五萬陳洛水北遇春單騎突陳元兵二十餘騎攔刺之遇春一天殪其前鋒大呼馳入元兵大潰追奔五十餘里梁王阿魯溫降嵩陳汝諸州次第悉定帝如汴梁改為開封府召徐達至行在命率師北伐諭之曰中原之民久為羣雄所苦故命將北伐拯民水火元祖宗功德在人其子孫罔師民隱天厭棄之君實有罪民則何辜前代革命之際肆行屠戮朕實不忍諸將毋肆焚掠要殺一人元之宗戚咸俾安全庶幾上答天心下慰民望達頓首受命帝尋遣應天

都督馮勝克潼關。
師取河南元李思齊張思道會兵駐潼關火焚思道營思齊偕軍遁勝明師攻潼關思齊奔鳳翔思道奔郿城

六月。平章楊璟克廣西。
璟攻永州元將鄧祖勝飲兵固守璟分營築壘造浮橋西江急攻之祖勝力盡仰藥死遂克永州以次定賓慶全州道州藍山諸州縣進攻靖江不下璟謂諸將曰彼所持西涼水

耳決其提岸破之必矣乃遣將殺守堤兵盡決濠水築土隄五道傳城攻兩月會廖永忠朱亮祖自廣東取梧州定海桂鬱林亮祖以兵來會其總制張瑄來約降瑄與之白帽為識夜半從寶賢門入執元平章也兒吉尼移師彬州降兩江土官黃英岑伯顏等永忠亦定南甯象州廣西悉平

秋閏七月元復擴廓帖木兒官爵命率師會諸將復河洛○明師克通州元帝奔上都八月徐達入元都元監國准王帖木兒不花死之

徐達師發開封遣裨將分道徇河北地連下衛輝彰德廣平次臨清使傳友德開陸道通步

騎順時浚河通舟師會常遇春已克德州合兵取長蘆扼直沽作浮橋濟師水陸並進大敗元軍於河西務進克通州知樞密院事下顏帖木兒力戰被禽死之元帝詔准王帖木兒不花監國以慶童為左丞相同守京城遣御清寶殿集三宮后妃皇太子議避兵北行左丞相失列知樞密院事黑廝官者趙伯顏不花以為不可帝不聽伯顏不花泣哭曰天下者世祖之天下陛下當以死守奈何棄之卒不聽夜半開建德門北去達陳兵齊化門將土填濠登城入准王及左丞相慶童平章迭兒必失朴賽因不花右丞相張廉伯御史中丞滿州等不降殺之餘不幾一人封府庫及圖籍寶物令指揮張勝以兵千人守宮殿門使宦者護視宮人妃主某士卒毋侵暴吏民安堵聞詔示天下以大都路為北平府置六衛留都督副使保興祖守之右丞薛顯參政傅友德巡古北諸隘關口

以應天為南京開封為北京○始建六部

中書省初設四部掌錢穀禮儀刑名營造之務至是置吏戶禮兵刑工六部設尚書侍郎等官

詔赦年行聖公襲封及受曲阜知縣並如前代制有司以禮聘致賢士毋非時決重囚除書籍田器稅貨通賦蒙古色目人有才能者許擢用蠲免孤獨廢疾者存恤之民年七十以上復一子他利害當與革不在詔內者有司具以聞

帝如北京○放元宮人○江西行省參政陶安卒

安博涉經史帝渡江時安首謁軍門陳王道吳元年徵諸儒議禮命安為總裁官諸禮率多安所裁

冬十月帝還南京○十一月遣使訪求賢才○十二月徐達克太原元擴廓帖木兒

走甘肅山西平

達既定元都進取山西常遇春先下保定中山真定馮勝湯和下懷慶慶太行取澤潞擴廓遣將來禦戰於韓店楊璟大敗會元帝自開平命擴廓復大都擴廓乃引兵出雁門由居庸以及北平達聞之謂

明修元史全憑其十三朝實錄即無危素亦何慮其散佚無存至于元統以後史所未有素果足資詢考何不聞就而訪其遺事仍待遺使分求足素于文獻皆無足徵徒飾寺僧之言以文其不死不深可賤乎藉云與史

為存亡則史既成書即當舉程嬰之例捐軀明志以全臣節乃

諸將曰據廊道出太原必虛北平有孫都督足以禦之今棄敵不備直擄太原所謂批亢擄虛者也彼若還救太原退失據必成禽矣諸將皆曰善乃率師趨太原據廊道至保安閣之果遣救遇春謀於達曰我騎兵雖集步卒未至驟與戰必多殺傷若夜襲之可得志達然之會據廊將驛馬來約降請為內應達夜選精騎襲其營據廊方燃燭治軍書倉卒不知所出跳一足乘驛馬從十八騎遁路驛馬降得甲士四萬達克太原乘勢收大同分遣馮勝等徇猗氏平陽絳州禽其守將榆次平遙介休以次下山西悉平

明太祖高皇帝洪武二年己春正月立功臣廟帝親定功臣位次以徐達為首次常遇春李文忠鄧愈湯和沐英胡大海馮國用趙德勝耿再成華高丁德興

俞通海張瑄勝吳良吳楨曹良臣康茂才吳復茅成孫興祖凡二十一人立廟雞鳴山下死者像祀生者虛其位又以廖永安俞通海張瑄勝桑世傑耿再成胡大海趙德勝七人配享太廟

免山東北平山西河南及畿內諸郡田租○倭寇山東○二月詔修元史大都既克得元十三朝實錄乃

詔修元史以左丞相李善長監修前起居注宋濂漳州府通判王禕為總裁徵山林隱逸之士汪克寬胡翰陶凱曾魯高啓趙訪等十六人為纂修閣六月書成而元統以後之史未備乃命儒士歐陽祐等往北平採遺事明年續修仍以濂樵總其事帝召元舊臣問元政得失馮瑄對曰元有天下以寬得之亦以寬失之帝曰但聞寬則得眾未聞以寬失之也夫步急則蹟弦急則絕民急則亂居上正當用寬元李君耽於逸樂其失在於縱弛實非寬也聖王之道寬而有制不以廢事為寬簡而有節不以慢易為簡適中則無弊矣

元丞相也速侵通州平章曹良臣擊走之大軍徇山西北平守備單鈞曹良臣守通州兵不滿千人也速將萬騎營北河良臣曰吾兵少不可與戰當以計走之乃於瀕

河舟中多立赤幟盈十餘里鉦鼓聲相聞也速驚遁良臣出精騎逐北百餘里元兵自是不敢窺北平

帝耕籍田○三月徐達克奉元常遇春克鳳翔元將李思齊據鳳翔張思道孔興脫列伯等駐虎臺以衛奉元徐達兵入關思道遁去郭子興將輕騎直濟奉

元守將棄城走御史桑哥失里即中王可檢討阿失不花三原尹朱春俱抗節死遂改奉元路為西安府戶賑米三石民大悅遇春兵至鳳翔思齊奔臨洮

夏四月命博士孔克仁授諸子經功臣子弟並令入學

馮勝徇臨洮李思齊降時張思道弟良臣守慶陽徐達會諸將議所向皆曰張思道之才不如李思齊而慶陽易於臨洮請先慶陽達曰不然慶陽城險兵精猝未易拔臨洮西控羗戎北界河湟得之其人足備戰

之典皆無當於協中之道如舉

陶贊舜師衆以寬而其時疎流放賊未嘗少假所謂期期無刑正善用其寬耳

庫庫特穆爾前此雖不免跋扈及元亡以後則獨力支持思為恢復之舉始終與明兵相持雖亦互有勝負其志不少屈撓明祖七紋書而不答因益發悍至以奇男子自之則疾風勁草可見其乃心王室矣若李惠齊初為偏強自專與諸將日尋攻殺罔恤國難迨宗社已移擁兵重鎮猶不知戮力效忠與張思道輩相持角以全西北一隅乃聞待以賓客之禮

三月朔日食。○御史中丞章溢卒。

天下紛紛何時定乎溢對曰天道無常惟德是輔惟不嗜殺人者能一之耳浙東設按察使以溢為僉事督領餉平諸寇數有功帝即位與劉基並拜御史中丞時廷臣伺帝意多嚴計溢獨存大體受詔赴閩擇鄉兵行之處州遺母喪乞終制不許鄉兵既集再乞終制許之哀毀卒帝痛惜親撰文祭之

六月常遇春克開平。元帝奔和林。

遇春下鳳翔謂還備北平以李文忠副之帥步騎九萬敗元將江文清於開平元帝北走追奔數百里獲其宗王慶生平章鼎住等斬之凡得將士萬人車萬輛馬三千匹牛五萬頭前北走平

秋七月征虜副將軍鄂國公常遇春卒於軍。詔李文忠領其衆。

遇春師次柳河川卒遇春沈驚果敢善撫士卒摧鋒陷陣未嘗

八月元兵攻大同李文忠擊敗之。

文忠會徐達攻慶陽行次太原聞大同圍急謂左丞趙庸曰關外之事苟利於國專之可也遂出雁門敗元遊兵於馬邑禽其平章劉帖木達至白

定內侍官制。諭吏部曰內臣但備使令毋多人數之。

楊門天雨雪已駐營文忠令修前五里阻水自固元兵來夜來劫堅壁不動偵明敵大至以二營委之殊死戰敵乃出精兵左右擊大破之禽其將脫列伯俘戮萬餘人窮追至莽哥倉而還

封王顥為高麗國王。○徐達克慶陽禽張良臣斬之陝西平。

達自臨兆下蘭州襲走元豫王盡收其部落歸還出蕭關克平涼

張思道懼使其弟良臣守慶陽而自奔甯夏為擴廓所執良臣以慶陽降達達許饒受之已而復叛襲傷顯達督兵圍之良臣求救於擴廓擴廓遣將攻原州陷涇陽為慶陽援達遣馬勝虎驛馬關敗其將良臣被圍久數出戰不利糧乏絕至煮人汁九泥燕之守者遂開門降良臣父子俱殺并引出斬之時元賀宗哲攻鳳翔指揮使金興旺與知府周煥嬰城守敵編創為大其形如半筋五人負之攻城矢石不能入投檣焚之輒颺起乃置鉤臺中擲者其隙火遂熾敵棄其走復為地道薄城攻不已會百戶王路收臨洮降卒還入城共守敵拔營去眾欲追之路曰未敗而還誘我也偵之至五里坡伏果發還師復圍城眾欲走興旺叱曰天子以城界我豈可去耶以輅所將皆新附乃括城中貲令曰敵退當大犒新兵

新兵各協力固守持十五日敵聞慶陽下乃引去

修禮書

明年書成名
大明集禮

九月置中都

以臨濠為中都營城
闕宮殿如京師制

冬十月詔天下府州縣皆立學

三年春正月遣徐達李文忠分道北伐

時元主尚在近塞而擴廓犯蘭州指揮于光力戰死帝以達為大將軍文忠及馮勝鄧愈湯和副之分二道出兵達自潼關出

西道擣定西取擴廓文忠自居庸出東道絕大漠追元主二月文忠至興和降其守將進兵察罕腦兒禽元平章竹貞次駱駝山走平章沙不丁次開平降平章上都罕等

吏部請謫有罪於詹崖不許

帝曰前代謂詹崖為化外以處罪人朕今天下一家若有風俗未淳宜吏擇良吏治之豈宜居罪人耶

二月追封郭子興為滁陽王○夏四月封子九人為王

棧王秦桐王晉棟王燕楮王吳楨王楚楫王齊梓王潭杞王趙檀王魯從孫守謙王

靖江補後
改王周

徐達大破元擴廓帖木兒於沈兒峪

達至安定擴廓退屯沈兒峪達進軍薄之隔溝而壘日數交戰擴廓遣精兵千餘人由間道劫東南壘左丞胡德濟倉猝失措軍驚擾達親擊

却之德濟大海子也達械送京師而斬其下趙指揮等數人以徇明日整兵奪溝殊死戰大破擴廓兵禽郭王濟王及國公平章以下文武僚屬千八百餘人士卒八萬擴廓僅挾妻子數人奔和林遂自徽州南一百八度至畧陽克汧州達入重雲棧攻興元取之鄧愈亦自臨洮進克河州德濟至京師帝釋之而以書諭達曰將軍效衛青不斬蘇建耳獨不見廉直之待莊賈乎且將軍在軍中誅之則已今下廷議吾且念其信州諸暨功不忍加誅繼自今將軍毋事姑息

元帝殂於應昌

詔諡之曰順帝子
愛猷識里達臘立

五月始設科取士

時以天下初定令各行省選舉三年自後三年一舉鄉試以八月會試以二月

李文忠克應昌獲元買的里八剌送京師

文忠聞元主卒督兵兼程進圍應昌克之元嗣君愛猷識里達臘北走獲其子買的里八剌及后妃諸王官屬數百人窮追至

北慶州而還道與州禽國公江文清等降三萬七千人至紅羅山入降楊思祖之衆萬六千餘人

肺腸殆不知狗
盡且覲顏招降
庫庫特穆爾詎
後知人間羞恥
事半斷臂而冥
誅隨及固快人
心然猶不若數
其罪而寸磔之
更足伸大義于
千古也
內臣但備使令
當使畏法勿令
有功實為制取
官寺妄旨明祖
以此垂訓貽謀
不為不深乃未
數傳而閭豎即
擅權恣橫至宋
李而流毒益甚
釀禍幾邦若全
不知有此論者
可見子孫不遵
祖訓鮮能保其
今緒此特其一
端耳
封建不可行於
後世昔人已詳
論之若宋元之
亡本不由於孤
立且宋勢憤弱

是月旱。六月帝親禱於山川壇。越五日雨。帝齋於西廡皇后躬執饗為農家食太子諸王饋於齋所帝素服草屨徒步詣壇席幕曝日中夜卧於地凡三日詔省獄囚命

有司訪求通經術深明治道者越五日大雨

封買的里八刺為崇禮侯李文忠捷奏至驛臣稱賀帝命朝臣嘗仕元者勿賀買的里八刺至京師羣臣請獻俘不爾也今以本服朝見賜冠帶

母后嘗朝中宮賜第龍光山

立開中鹽法山西行省請令商人於大同倉入米一石太原倉入米一石三斗給淮鹽二小引商人黨華即以原引赴所在繳之帝從其請召商轉糧而與之鹽謂之開中其後各行省邊境多召商中鹽以備邊儲計道里遠

近自五石至一石有差

徙蘇松嘉湖杭民無業者田臨濠凡四千餘人給牛種車糧資遣之三年不征稅其後復徙北平山後民散處諸府縣又徙沙漠遺民屯田北平又徙江南民十四萬於鳳陽又徙山

西民於河北又屢徙浙西及山西民於滁和北平山東河南終洪武之世徙民最多

秋七月。中書右丞楊憲有罪誅憲有才辨裁決明敏然意刻深有不足於已者輒中傷之在中書欲盡易省中故事凡舊吏皆罷去更用已所親信者嗾侍御史劉炳劾罷丞相汪廣洋且請

徙之廣南帝不從已復有所論劾帝覺其誣下炳獄炳吐實遂誅憲

冬十一月。大封功臣進李善長韓國公徐達魏國公封李文忠曹國公馮勝宋國公鄧愈衛國公常遇春子茂卿國公湯和等侯者二十八人已又封汪廣洋忠勤伯御史中丞劉基誠意伯越三日諸臣入謝帝

賜坐華蓋殿從容論取天下之畧曰朕起鄉里本圖自全及渡江以來觀羣雄所為徒為民害張士誠恃富陳友諒恃強朕獨無所恃惟不嗜殺人布信義行節儉與卿等同心共濟初與二寇相持士誠尤逼近或謂宜先擊之朕以友諒志驕士誠器小志驕則好生事器小則無遠圖故先攻友諒鄱陽之役士誠卒不能出姑蘇一步以為之援向使先攻士誠姑蘇堅守

友諒必空國而來吾腹背受敵矣及北定中原先山東次河洛止潼關之兵不遽取秦隴者以機耶帖木兒李思齊張思道皆百戰之餘未肯遽下急之則併力一隅猝未易定故出其不意反旆而北燕都既舉然後西

征張李思齊絕勢窮不戰而克然擴廓猶力抗不屈向令未下燕都驟與角力則勝負未可知也

自正月至十二月。日中屢有黑子。詔求直言

曾北月監綱目
明紀
太祖高皇帝

四年辛亥春正月李善長罷以汪廣洋為右丞相胡惟庸為左丞相

善長貌寬和而性忤刻比進封大國意稍驕帝頗厭

濟寧師侯王章未為太失明祖釋之實流于輕縱且以書諭徐達掩已過而授人柄操直之喻未可為解之正也

之以疾致仕初帝嘗以吏事責善長劉基言善長熟舊能調和諸將帝曰是數害君君乃為之地耶吾行相君矣基頓首曰是如易柱必得大木若東小木為之且立仆帝又嘗欲相楊憲憲素善基基力言不可曰憲有相才無相器大宰相者特心如水以禮義為權衡而已不與焉者也帝曰汪廣洋何如曰編淺殆甚於憲又問胡惟庸曰譬之駕懼其價較也帝曰然則無適先生對曰基疾愚太甚又不耐煩刺為之且孤上恩天下何患無才惟明主悉心求之目前諸人誠未見其可優憲惟庸廣洋皆敗如基言

以湯和為征西將軍傅友德為征虜前將軍帥師伐夏

夏主明昇聽吳友仁計不入朝帝假道征雲南不奉詔且數寇興元乃命將討之和

帥副將軍周德興廖永忠等以舟師由瞿塘趨重慶友德帥副將軍顧時以步騎由秦隴趨成都鄧愈督餉給軍

二月元平章劉益以遼東降

詔置遼東衛以益為指揮同知未幾元平章洪保保馬彥瑩等謀殺益右丞張良佐又殺彥瑩保保走依納哈山

夏六月湯和而下重慶夏明昇降

帝之遣和友德也諭之曰蜀人聞我師西伐必悉精銳東守瞿塘北走金牛若出不意直搗階文門戶既陳腹心必潰兵貴神速惠不勇耳友德疾馳至映集

諸軍聲言出金牛而潛引兵趨陳倉舉援若谷晝夜行抵階州敗其將丁世珍克其城蜀人斷白龍江橋友德修橋以渡破五里關遂拔文州趨綿州漢江水漲不得渡伐木造戰艦欲以軍聲通瞿塘乃削木為牌數千書克階文綿日月投漢水順流下蜀守者見之皆解體夏必相戴壽等急分兵援漢州未至友德已破其守將向大亨於城下援師膽落友德迎擊大敗之遂拔漢州廖永忠兵至瞿塘阻鐵鎖橋不得進永忠密遣數百人持糧糧木筒昇小舟踰山度關出其上流蜀山多草木令將士皆衣青蓑衣魚貫走崖石間度已至帥精銳出墨葉渡夜五鼓分兩軍攻其水陸寨水軍皆以鐵裹船頭置火器而前黎明蜀人始覺進銳來拒永忠已破其六寨將士昇舟出江者一時並發上下夾攻大破之遂入夔府明日和始至乃分道進永忠帥舟師直搗重慶昇大懼面縛街壁與樞密官屬降於軍門和等承制撫慰之時友德進圍成都身中流矢不退將士殊死戰突其象陣象反走瞿驢死者甚眾遂降成都分兵徇州邑蜀地悉定

秋七月以方克勤知濟甯府

克勤為治以德化為本不喜近名曰近名必立威立威必缺民吾不忍也時詔民墾荒闕三歲乃稅更不俟期徵民輒棄田去克勤稅如期區田為九等以等徵發吏不得為

奸立社學數百區葺孔子廟堂延名士為師弟子繫籍者二千人歲夏郡將督民築城克勤曰民方耕奈何畚鍤重困之請知中書省得罷役會大旱遂大樹濟甯人歌曰孰能我役使君之方孰活我泰使君之雨使君勿去我民父母

封明昇為歸義侯

昇參師擊臣請帝御殿受俘如孟昶降宋故事帝曰昇幼弱事由臣下與昶具免其伏地待罪之儀授爵歸義侯賜居第

明祖擇賢任相求之甚殷劉基既承顧問則當贊舉所知以副側席之意乃僅于所指之人各

九月朔日食。○設糧長。

詔以田多者為之督其鄉賦稅糧萬石長副各一人輸以時至得召見語合輒蒙擢用其後官軍克運法行而糧長不廢料飲橫滋為民害其孱弱者復為勢豪所凌號延通負

率需產以饋遂至傾身喪家云

冬十二月逮漢中知府費震尋釋之。

震以賢良徵為吉水知州寬惠得民權知漢中府歲凶多盜發倉粟十餘萬石貧民盜聞皆來歸鄰境民亦爭赴震令占宅自為保伍藉之得

數千家至是坐事被逮帝曰良吏也釋之以為牧民者勸授寶鈔局提舉

五年壬子春正月置親王護衛指揮使司。

每王府設三護衛衛設左右前後中五所所千戶二人百戶十人

遣翰林院待制王禕使雲南被執不屈死。

元梁王把剌瓦爾密鎮雲南大都不守順帝北去王歲遣使自塞外達元帝行在執臣節如故夏既平天下大定帝以雲南

僻遠難進兵而王所遣漢北使者蘇威適為北平守將所獲乃命禕齎詔偕威往招諭王待禕以禮會元主遣脫脫微餉雲南知禕在王所疑王有他意脅以危語王不得已禕出見之脫脫欲屈禕禕叱曰天既託汝元命禕火餘燼敢與日月爭明耶我奉使遠來豈為女屈

遂自刎梁王具衣冠斂之

徙陳理明昇於高麗。

或告陳理明昇有怨言帝曰重孺輩言語小過不足問但恐為小人蠱惑將不能保始終宜處之遠方則隙無自生乃徙高麗

遣徐達馮勝等分道征擴廓帖木兒達軍敗績勝敗元兵而還。

帝以擴廓數擾邊命達為征虜大將軍出雁門趨和林李文忠為

左副將軍出居庸趨應昌勝為征西將軍出金蘭取甘肅三月達先遣都督藍玉敗擴廓於土刺河五月擴廓與賀宗哲合兵拒達於嶺北達軍敗死者數萬人勝至蘭州遣副將軍傅友德前驅再敗元兵拔甘肅下亦集乃路次則篤山元岐王朵兒只班遁去獲其平章長加奴等二十七人友德復追至瓜沙州斬獲其眾文忠至阿魯渾河馬中流矢指擣李榮以所乘馬授文忠而自奪敵馬乘之文忠殊死戰遂破敵追奔至稱海推牛饗士而還

以鄧愈為征南將軍討湖南廣西蠻。

辰澧諸蠻作亂帝命愈往討以周德興吳良副之愈出澧州討散毛諸洞蠻德興出南甯討婁鳳安田諸州蠻良出靖州討會同五開潭溪古

州諸蠻悉平之

二月安南陳叔明弒其王日煜而自立遣使入貢却之。

叔明篡立懼討遣使入貢以覲朝廷意主客曹已受表主事曹魯取副封白尚書詰

為評騰且又自謝不能而以天下何患無才惟在悉心求之二語卿且塞責使基實有所知則不宜隱瞞其辭以孤厚望若無所指責又不應徒托空言世以憲及惟庸廣洋相繼敗事皆如基所料許其知人然予前席時咨不能進賢助理又何足稱乎

糧長獨輸一鄉稅糧擇謹慮者為之未嘗不可省追呼之擾然此不過鄉里小民足供使令豈宜假以顏色復因而擢用其後流弊百出貽患無窮實由不能慎之于始耳

元自順帝北居沙漢子孫相繼嗣位襲其故號